



KOSOVO SPECIALIST CHAMBERS  
DHOMAT E SPECIALIZUARA TË KOSOVËS  
SPECIJALIZOVANA VEÇA KOSOVA

**Numri i lëndës:** KSC-BC-2020-07

**Prokurori kundër Hysni Gucatit dhe Nasim Haradinajt**

**Vendosi:** Trupi Gjykesues II

Gjykatës Çarls L. Smith, III, Kryegjykatës

Gjykatës Kristof Bart

Gjykatës Ginel Metro

Gjykatës Fergal Gejnor, gjykatës rezervë

**Administratore:** Fidelma Donlon

**Data:** 22 tetor 2021

**Gjuha:** Anglishte

**Klasifikimi:** Publik

---

**Urdhër drejtuar Administratores për Dorëzim të Informacionit mbi Regjimin e  
Paraburgimit**

---

**Prokurorit të Specializuar**

Xhek Smith

Methju Haling

Valeria Boliçi

Xhejms Pejs

**Mbrojtësve të Hysni Gucatit**

Xhonatan Elistan Ris

Hju Bauden

**Mbrojtësve të Nasim Haradinajt**

Tobi Kadman

Karl Bakli

**TRUPI GJYKUES II**, në pajtim me nenet 1(2), 2, 3(2)(e), 19(2), 21(3) dhe 40-41 të Ligjit për Dhomat e Specializuara dhe Zyrën e Prokurorit të Specializuar (“Ligji”) dhe rregullat 57(2), 116(1) dhe (4)(d) të Rregullores së Procedurës dhe të Provave para Dhomave të Specializuara të Kosovës (“Rregullorja”), nxjerr këtë urdhër.

## I. HISTORIKU PROCEDURAL

1. Më 25 shtator 2020, Hysni Gucati (“z. Gucati”) dhe Nasim Haradinaj (bashkërisht, “të akuzuarit”) u arrestuan në lidhje me shpërndarjen e pretenduar të informacionit konfidencial dhe jopublik lidhur me punën e Task Forcës Hetimore Speciale (“TFHS”) dhe/ose Zyrës së Prokurorit të Specializuar (“ZPS”).<sup>1</sup>

2. Më 27 tetor 2020, Gjykatësi i Vetëm refuzoi kërkesat e të akuzuarve për lirim të përkohshëm.<sup>2</sup> Gjykatësi i Procedurës Paraprake rishikoi dhe zgjati paraburgimin e tyre në intervale të rregullta, përkatësisht më 24 dhjetor 2020, 24 shkurt, 23 prill dhe 23 qershor 2021.<sup>3</sup>

---

<sup>1</sup> F00012/A01/RED, Gjykatësi i Vetëm, *Version i Redaktuar Publik i Fletarrestimit për Hysni Gucatin*, 24 shtator 2020; F00015, Administratorja, *Njoftim i Arrestimit sipas Rregullës 55(4)*, 25 shtator 2020; F00012/A02/RED, Gjykatësi i Vetëm, *Version i Redaktuar Publik i Urdhrit për Transferim në Objektivin e Paraburgimit të Dhomave të Specializuara*, 24 shtator 2020; F00018, Administratorja, *Njoftim i Pranimit të Hysni Gucatit në Objektivin e Paraburgimit të Dhomave të Specializuara*, 25 shtator 2020, me shtojcën 1, konfidenciale.

<sup>2</sup> F00058, Gjykatësi i Vetëm, *Vendim në lidhje me Kërkesën për Lirim të Menjëhershëm të Nasim Haradinajt*, 27 tetor 2020; F00059, Gjykatësi i Vetëm, *Vendim mbi Kërkesën për Dorëzani*, 27 tetor 2020.

<sup>3</sup> F00093, Gjykatësi i Procedurës Paraprake, *Vendim mbi Rishikimin e Paraburgimit të Hysni Gucatit*, 24 dhjetor 2020; F00094, Gjykatësi i Procedurës Paraprake, *Vendim mbi Rishikimin e Paraburgimit të Nasim Haradinajt*, 24 dhjetor 2020; F00143, Gjykatësi i Procedurës Paraprake, *Vendim mbi Rishikimin e Paraburgimit të Hysni Gucatit*, 24 shkurt 2021; F00144, Gjykatësi i Procedurës Paraprake, *Vendim mbi Rishikimin e Paraburgimit të Nasim Haradinajt*, 24 shkurt 2021; F00188, Gjykatësi i Procedurës Paraprake, *Vendim mbi Rishikimin e Paraburgimit të Hysni Gucatit*, 23 prill 2021; F00189/RED, Gjykatësi i Procedurës Paraprake, *Version i Redaktuar Publik i Vendimit mbi Rishikimin e Paraburgimit të Nasim Haradinajt*, 23 prill 2021; F00245, Gjykatësi i Procedurës Paraprake, *Vendim mbi Rishikimin e Paraburgimit të Hysni Gucatit*, 23 qershor 2021; F00246, Gjykatësi i Procedurës Paraprake, *Vendim mbi Rishikimin e Paraburgimit të Nasim Haradinajt*, 23 qershor 2021.

3. Më 16 korrik 2021, Gjykatësi i Procedurës Paraprake ia kaloi dosjen e çështjes gjyqësore Trupit Gjykues II ("Trupi Gjykues").<sup>4</sup> Më 23 gusht 2021, Trupi Gjykues rishikoi dhe zgjati paraburgimin e të akuzuarve.<sup>5</sup>

4. Më 15 tetor 2021, Mbrojtja e z. Gucati kërkoi që Trupi Gjykues të lironte z. Gucati sipas një sërë kushtesh të propozuara që përfshinin Policinë e Kosovës ("kushtet e propozuara").<sup>6</sup>

5. Më 22 tetor 2021, Trupi Gjykues urdhëroi vazhdimin e paraburgimit të z. Gucati dhe z. Haradinaj duke theksuar se do të kërkonte informacion nga Policia e Kosovës në lidhje me zbatueshmërinë e kushteve të propozuara për dy të akuzuarit dhe se do të rishqyrtonte paraburgimin e tyre pas marrjes së këtij informacioni.<sup>7</sup>

## II. PARASHTRIMET

6. Mbrojtja e z. Gucati kërkon që z. Gucati të lirohet sipas kushteve në vijim: (i) që z. Gucati të vendoset në arrest shtëpiak në adresën e tij të banimit dhe që një anëtar i Policisë së Kosovës të mbikëqyrë gjatë gjithë kohës personat që hyjnë ose dalin nga ajo adresë (qoftë personalisht ose në distancë me anë të një kamere sigurie); (ii) që z. Gucati t'i ndalohet të largohet nga adresa e tij e banimit në çfarëdo kohe, përveç në rast të ndonjë urgjence mjekësore ose urgjence tjetër, dhe, në raste të tilla, ai të jetë gjatë gjithë kohës nën ruajtjen fizike të një oficeri policie deri në kthimin e tij; (iii) që gjatë gjithë kohës, brenda adresës së tij të banimit të mos

---

<sup>4</sup> F00265, Gjykatësi i Procedurës Paraprake, *Vendim për Kalimin e Dosjes së Çështjes Trupit Gjykues II*, 16 korrik 2021.

<sup>5</sup> F00279, Trupi Gjykues, *Vendim mbi Rishikimin e Paraburgimit të Hysni Gucatit* ("Vendimi i Gjashtë mbi Paraburgimin") 23 gusht 2021; F00280, Trupi Gjykues, *Vendim mbi Rishikimin e Paraburgimit të Nasim Haradinajt* ("Vendimi i Gjashtë mbi Paraburgimin") 23 gusht 2021.

<sup>6</sup> F00375, Mbrojtja e Gucatit, *Parashtrime në Lidhje me Rishikimin e Gjashtë të Paraburgimit* ("Parashtrimi i Gucatit"), 15 tetor 2021, para. 13.

<sup>7</sup> F00390, Trupi Gjykues, *Vendim mbi Rishikimin e Paraburgimit të Hysni Gucatit*, 22 tetor 2021; F00391, Trupi Gjykues, *Vendim mbi Rishikimin e Paraburgimit të Nasim Haradinajt*, 22 tetor 2021.

lejohet të përdoret asnjë telefon, pajisje telekomunikimi ose pajisje e përdorshme përmes internetit; (iv) që adresa e banimit të z. Gucati të kontrollohet përpara mbërritjes së tij për të parë nëse ka të fshehur ndonjë telefon, pajisje telekomunikimi ose pajisje të përdorshme përmes internetit. Shtëpia do të kontrollohet sërish pas hyrjes së tij dhe më pas në mënyrë rastësore; (v) që të vetmit persona që do të lejohen të hyjnë në atë adresë, përveç familjes së ngushtë të z. Gucati (gruaja dhe fëmijët) dhe oficerëve të policisë, do të jenë personat, emrat e të cilëve figurojnë në një listë të miratuar paraprakisht të anëtarëve të familjes, dhe persona të tjerë që kanë të drejtë ta vizitojnë atë në adresën e banimit të tij, me miratimin paraprak të Trupit Gjykses. Hyrja do t'i ndalohej çdo personi që nuk verifikohet se është në listën e miratuar paraprakisht të vizitorëve që lejohen të kryejnë vizita; (vi) që vizitat e personave të lartpërmendur të miratuar paraprakisht në adresën e banimit të z. Gucati, të koordinohen paraprakisht nëpërmjet njoftimit të Policisë së Kosovës; (vii) që çdo personi që hyn në shtëpi t'i kërkohet të dorëzojë telefonat, pajisjet e telekomunikimit ose pajisjet e përdorshme përmes internetit përpara se të hyjë në shtëpi; (viii) që çdo person (përfshirë anëtarët e familjes) që hyn në atë shtëpi të pajtohet me monitorimin pasues të telefonave, pajisjeve të telekomunikimit ose pajisjeve të përdorshme përmes internetit të tyre për aq kohë sa zgjat periudha e lirit të përkohshëm të z. Gucati; (ix) që çdo person që hyn ose del nga shtëpia të kontrollohet nëse ka me vete ndonjë telefon, pajisje telekomunikimi ose pajisje të përdorshme përmes internetit, mesazh me shkrim ose dokument tjetër; (x) që Policia e Kosovës të kryejë kontrole të rastësishme në adresën e banimit të z. Gucati për të verifikuar nëse z. Gucati, anëtarët e familjes së tij dhe/ose personat që e vizitojnë atë po u përmbahen kushteve të lartpërmendura të lirit dhe që, në veçanti, nuk kanë telefona, pajisje telekomunikimi ose pajisje të përdorshme përmes internetit në adresën në fjalë; (xi) që Policia e Kosovës të njoftojë menjëherë Zyrën Administrative nëse konstatohet se z. Gucati, ndonjë nga anëtarët e familjes së tij ose ndonjë nga

personat që e vizitojnë atë në adresën e tij të banimit, kanë shkelur kushtet e lartpërmendura të lirimit.<sup>8</sup>

### III. DISPOZITAT LIGJORE PËRKATËSE

7. Sipas nenit 41(6)(a) dhe (b) të Ligjit, Dhomat e Specializuara urdhërojnë paraburgimin e një personi vetëm kur ekziston dyshimi i bazuar se personi ka kryer një vepër penale që është nën juridiksionin e Dhomave të Specializuara; dhe ekzistojnë arsye të artikulueshme të besohet se: (i) ekziston rreziku i arratisjes; (ii) se personi do të pengojë ecurinë e procesit; ose (iii) do të përsërisë veprën penale, do të përfundojë ndonjë vepër penale në tentativë, ose do të kryejë ndonjë vepër penale që personi ka kërcënuar se do ta kryejë.

8. Neni 41(12) i Ligjit parashikon masa alternative për parandalimin ose zvogëlimin e këtyre rreziqeve, duke përfshirë, ndër të tjera, dorëzaninë, arrestin shtëpiak, premtimin për të mos u larguar nga vendbanimi dhe ndalimin për t'iu afruar vendeve ose personave të caktuar.

### IV. DISKUTIM

9. Duke mbajtur parasysh kushtet e propozuara dhe pa cenuar asnjë vendim që mund të marrë Trupi Gjykses në lidhje me kushtet e paraburgimit të të akuzuarit, Trupi Gjykses urdhëron Administratoren që më anë të një parashtrimi konfidencial të dorëzojë informacion në lidhje me (i) qasjen e saj në lidhje me kufizimet e vendosura për vizitat dhe komunikimet në objektin e paraburgimit të Dhomave të Specializuara, si garantimi i sigurisë ose rregullit në objektin e paraburgimit, parandalimi i trazirave ose kryerjes së krimeve, mbrojtja e shëndetit ose mbrojtja e mirëqenies, sigurisë, të drejtave ose lirive të të tjerëve (konkretisht të dëshmitarëve dhe viktimave); (ii) të gjitha kufizimet e zbatueshme dhe ato shtesë, përfshirë sistemin e monitorimit, lidhur

---

<sup>8</sup> Parashtrimi i Gucatit, para. 13.

me vizitat, bisedat telefonike dhe letërkëmbimet në objektin e paraburgimit të Dhomave të Specializuara dhe masat urgjente të sigurisë të lidhura me to; (iii) çdo aspekt tjetër përkatës që ka lidhje me nevojat e sigurisë ose regjimin e paraburgimit në objektin e paraburgimit të Dhomave të Specializuara dhe që mund të ketë ndikim në vizitat, bisedat telefonike dhe letërkëmbimet; dhe (iv) çdo aspekt tjetër në lidhje me regjimin e paraburgimit që ka të bëjë me të akuzuarin në objektin e paraburgimit të Dhomave të Specializuara, duke përfshirë zbatueshmërinë e kufizimeve në fuqi dhe atyre shtesë gjatë çdo shtrimi të akuzuarit në spital ose pranimi të tij në objektet e shërbimit shëndetësor.

## V. VENDIM

10. Për arsyet e lartpërmendura, Trupi Gjykses:

**URDHËRON** Administratoren të dorëzojë parashtrime në përputhje me paragrafin 9 të këtij urdhri jo më vonë se data **26 nëntor 2021**.

/nënshkrimi/

**Gjykatësi Çarls L. Smith, III**

**Kryegjykatës**

E premte, 22 tetor 2021

Në Hagë, Holandë